



সানসেয়ারি "বড'সা" খবৰীলাইয়াব
সমাজ্যায়ি জিজনোঁ লোব্বা থানায় স্যুথায়, সন্ধ্যায়,
সল', সল'বাথা আরো দাববায়াৰি থাবনি, পাৰ্ক
বাৰ্ইদিনি স্যায়াব লিৰ্ণায় লিৰ্ণাবিৰ্ণা দৈথায় হৰ/
সানসেয়ারি "বড'সা" খবৰীলাইয়াব সেবস্ৰানাবৈ
ফোসাবগোন/
বড'সায়াব লিৰ্ণায়নি হুৰা স্ৰালাম,
"বড'সা" খবী নৌথোঁ,জোঁ বয়বো আংগো স্ৰালাম।
সানসেয়ারি বড'সা মাঝখলি
মাড়বং নোগোঁ, জোহোলাব দৈমালু লামা
কক্ৰাঞ্জাৰ, বিটিসি-783370
Website: www.bodosanewspaper.com

BODOSA ★ A Bodo News Daily ★ Sunday ★ 7 September, 2025 Kokrajhar, BTC, Assam ★ Vol.-35, Issue No.164 ★ R.N.I.Regd.No.40994/91, AssamGovt.Regd.No.IPRD.40/2006/3, Rs.8/-

গাহাড় মন্দি মদি আরো ফ্রান্সনি হাদতগিরি মেক্রনজোঁ মুলুগনাডারি গোজোন থাসারিখৌ লাখিলাংনো সাবরায়ালায়দোঁ

ডিজিটেল ডেস্ক, গোদান
দিল্লী, 6 সেপ্টেম্বর: গাহাড়
মন্দি নরেন্দ্র মদি আরো ফরাসী
হাদতগিরি ইমানুয়েল মেক্রনজোঁ
দিনৈ ফননি গেজেৰজোঁ
সা বরায়ালায়।
সাবরায়ালায়নায সমআব
সানৈবো দৈদেগিরিয়া দরনৈ হাদতনি
(□ 6 বিলাইআব)



গুৱাহাটী, 6 সেপ্টেম্বর:
আসামনি রঞ্জ্যো বৈগিরি লক্ষ্মণ
প্রসাদ আচার্য আ মৈয়া
শুক্ৰবারআব ফোরোঁগিরি সানজোঁ
লোব্বা লানানৈ আসামনি সা
284 গাগি আজিরা মোন্নায
গুদি ফরায়সালিনি
ফোরোঁগিরিফোরখৌ মান বাউদোঁ।
মখ'নো গোনাঁদি রাজ ভবন
আসামআ "আসাম রাইজ্যো
বৈগিরি গাগি ফোরোঁগিরি
সম্মান'খৌ বিসোরনি



বিহোমানি থাখায় রাইজ্যোনি
গুদি ফরায়সালিনি বরনিখুইবো
বাবসিন থানানৈ থানায় আজিরা
মোন্নায ফোরোঁগিরিফোরনো মান
হোনায় জায়ো। রাইজ্যো বৈগিরিয়া
বিসোর সুবু'ফোরনি সোলোঁথাই
আরো হাদত দানায়নি থাখায়
গাবসোরনি জিউখৌ
বাউসোমদোঁমোন। ফোরোঁগিরি
সানাব রাইজ্যো বৈগিরি লক্ষ্মণ
প্রসাদ আচার্য আ 94 বোসোঁ
(□ 6 বিলাইআব)

বিটিসি বিসায়খ'থি:থামোন্ধ্যা রৈখাথিনি দাবহায়াব ইউপিপিএল আরো বিপিএফনি দৈদেগিরি

বিসায়খ'থিনি উনাবনো বিপিএফ দোলোআ থানায় নলিয়া: প্রমদ বর'
ইউপিপিএলনি থাসারিয়া থানায় খেবনিখুই জোবোদ গাজি: হাগ্রামা মহিলারি



কক্ৰাঞ্জাৰ, 6 সেপ্টেম্বর:
বিটিসি বিসায়খ'থিয়া খুঁজানো
মাখাসে সানল' আদ্রা থানায়
সমাবনো বড'লে'নডআব

ইউপিপিএল আরো বিপিএফ
দোলোনি বিসায়খ'থি
ফোসাবদি'নায়খৌ গোখৌনিফ্রায়
গোখৌসিন নুনো মোন্নায জাদোঁ।

বেনিনো দিনৈ সানসেয়াবনো
কক্ৰাঞ্জাৰনি বাউখুঁগি আরো দতমা
দরনৈ বিয়াবাব লা'ন্থি যৈ
ইউপিপিএল দোলোনি

আফাদগিরি প্রমদ বর'আ
বিসায়খ'থি ফোসাবদি'দোঁ।
গুবুনাফসেঁ, কক্ৰাঞ্জাৰনি দেবোৰাগাব
নখ'র বিয়াবনি মো'ন্থাম

জায়গায়াব দিনৈ গাবনি থাখায়
বিপিএফনি আফাদগিরি হাগ্রামা
মহিলারিখৌ বিসায়খ'থি
ফোসাবদি'নায়খৌ নুনো মোন্নায
জাদোঁ। আথিখালাব হাগ্রামা
মহিলারি আরো প্রমদ বর'আ
বিটিসি বিসায়খ'থিখৌ লানানৈ
(□ 6 বিলাইআব)

বিটিসি বিসায়খ'থি 2025

কক্ৰাঞ্জাৰ জিল্লানিফ্রায় সা 100
বিজাথিফোৰা বাদায়লায়গোন

কক্ৰাঞ্জাৰ, 6 সেপ্টেম্বর: বিটিসি বিসায়খ'থি 2025 নি থাখায়
দিনৈ কক্ৰাঞ্জাৰ জিল্লায়াব ফাইনাল এৰা জোবথা বিজাথিফোরনি
ফারিলাইখৌ থিয়ারি খালামবায়। মখ'নো গোনাঁদি, দিনৈ গাব
গাবসিনি বিজাথিখৌ বোখাসনা লানায়নি জোবথা সানাব গাসৈ
সা 15 বিজাথিফোৰা গাব গাবসিনি বিজাথিখৌ বোখাসনা লাৰায়।
বেনি গেজেৰবনো জিল্লানি গাসৈ বাদায়গিরিফোরনি অন্নিমায়া সা
100 জাহৈবায়। বেনি সিগাঙবনো গসাইগাব মহকুমানি গুমা
গৌথুমারি বিয়াবনি গাসৈ নমিনেসন লাইখৌ দো'ন্থ'নায় জাদোঁ।
কক্ৰাঞ্জাৰ সদর মহকুমায়াব গাসৈ সা 6 বিজাথিফোৰা গাবসোরনি
বিজাথিখৌ বোথাসনা লাৰায়। 7 নং. ফকিৰাগ্রাম (জনজাতি নঙেঁ)
বিয়াবাব উদা বিজাথি মহৰৈ (□ 6 বিলাইআব)

জমদুৱাৰ বিয়াবআব ইউপিপিএলনি রাইজ্যোয়ারি মেল, এমপি রোনগোৱা নাৰ্জারীআ বাহাগো লাফৈদোঁ

গসাইগাব, 6 সেপ্টেম্বর:
ইউপিপিএল দোলোআ জেসেবাঁ
সান থাগোন, বিটিআৰআব
জায়খি জায়া দাগাগিরি,
গুন্ডাগিরিয়া সোলিনায় নজ।
জোঁ গোজোঁনৈ জৌগাখাং হোলাংগোন।
বেবাদি বিবু'থিখৌ ইউপিপিএল
দোলোনি গাগি দৈদেগিরি আরো
রাইজ্যো সৰ্ভানি এমপি রোনগোৱা
নাৰ্জারীআ হোদোঁ। দিনৈ কক্ৰাঞ্জাৰ
জিল্লানি সিঙাব থানায় 4 নং.
জমদুৱাৰ গৌথুমারি বিয়াবাব
খুঁনায় ইউপিপিএলনি
বিসায়খ'থি ফোসাবদি'নায়
মেলাব হেলিকপ্টারজোঁ এমপি
রোনগোৱা নাৰ্জারীআ নুজাফৈনানৈ
গাবনি বিবু'থিযাব আরোবাব
বুঁদোঁদি, হাগ্রামা সরকারি সমাব
বাস্থা বুনাযনি উদাংসি গৈয়ামোন,
(□ 6 বিলাইআব)



মোজাঁ বাস্থাখৌ বু'নো হায়াখৌমোন, বমা বেরুহোনায,
গুলি, বুথাসনায়, (□ 6 বিলাইআব)

ডু ভুপেন হাজ রিকানি 100 বোসোরি জোনোম সাননি হাবাফায়াব গাহাড় মন্দি নরেন্দ্র মদিআ বাহাগো লাফৈগোন

গুৱাহাটী, 6 সেপ্টেম্বর: সুধাকন্ড ডু ভুপেন
হাজ 'রিকানি 100 বোসোরি জোনোম সান
ফালিথাইআব বাহাগো লানো গাহাড় মন্দি
নরেন্দ্র মদিআ ফৈগৌ 13 সেপ্টেম্বর খালি আসামআব
দাববায়ফৈগোন। খানাপাৰাআব খুঁনো গোনাঁ বে
হাবাফাফারিনি থাখায় গিদির জৌসাং
বানায়গাসিনো থানায় জাদোঁ। দিনৈ
সনিবারখালি জৌসাং লুনায়নি থিয়ারিফোরখৌ
নাৰ্যদি'হৈয়ো আসাম সরকারি হারিমুৱারি বিৰ্থিনি
মন্দিৰি বিমল (□ 6 বিলাইআব)

মথনগুরি বিয়াবাব বিপিএফনি বিজাথি বেগম আকতার আহমেদআ দাব-দাব জায়গায়াব বিসায়খ'থি ফোসাবদি'দোঁ

মথনগুরি, 6 সেপ্টেম্বর:
বিটিসি বাক্সা জিল্লানি
মথনগুরি বিয়াবাব দিনৈ
বিপিএফনি বিজাথি ফসংজানায়
বেগম আকতার আহমেদআ
বিয়াবনি নিমুবা ভিসিডি
(□ 6 বিলাইআব)



অং ফালাংগিয়ারি আফাদনি বান্জায়নায়াব অং পুলিস
থানা, নোগোরি আফাদনি সাখোন-সিখোন হাবাফারি
অং পুলিসআ 35.510 কি:গ্রা: গান্জা বোখাংদোঁ

উদালগুরি, 6 সেপ্টেম্বর: উদালগুরি জিল্লানি 47 নং. মাজবাত
বিধান সভা বিয়াবনি সিঙাব থানায় বিটিসি পাসনৈ সেরফাং
বিয়াবনি অং চারিআলিআব দিনৈ 6 সেপ্টেম্বর অকট'খালি অং
ফালাংগি আফাদনি বান্জায়নায়াব অং পুলিস থানা, অং পুলিস
থানা নোগোরি আফাদনি (□ 6 বিলাইআব)



বড'সা থান্দৈ, বাসুগাব, 6 সেপ্টেম্বর: ফোরোঁগিরি সানআব গাহাড়
ফোরোঁগিরিনি অন্নায়-খান্নায় গৈয়ে বুনায়াব সাথাম ফরায়সাফোৰা
জোখোম জানো গোনাঁ জাথাইখৌ লানানৈ দিনৈ চিৰং জিল্লানি কাশিকত্ৰা
উৰ্বশী ব্রহ্ম মেম 'রিয়েল গোজোঁ ফরায়সালিআব দুংহা থাসারি
সোমজিয়ো। দিনৈ অখিল ভারতীয় (□ 6 বিলাইআব)

হাদতনি থাখায় খাদী ফেসননি থাখায় খাদী সোলায়নাযনি থাখায় খাদী

2024-25 মাড়থায়াব 1.70 লাখ কৌটি রাঁনি খাদী আরো গামিয়ারি
উদগনি ফান্নায় রেকর্ডআ 2013-14 নি রুজুনায়াব 450% বাঁদোঁ

2024-25 আব 1.16 লাখ কৌটি রাঁনি খাদী আরো গামিয়ারি উদগ
দিহুন্ধ্যাই রেকর্ডআ 2013-14 নি রুজুনায়াব 350% বাঁদোঁ

বাডায়ৈবো 2.00 কৌটি সুবু'ফোরনো কেভিআইসিআ
ফসংথায় হোগাসিনো দং

থানায় 11 বোসোরআব খাদী দিহুনগিরিফোরনি
মুজিরায়া 275% বাঁদোঁ

হাদতনি মোনফ্রোমবো খাদী দোন্থুমসালিয়া নোঁথাংখৌ বরায়ো।
গোদান ভারতনি গোদান খাদী

গোবাঁ মিৰথিনো থাখায় উনসং @kvicindia | kvic.gov.in

Visit | Khadi India's e-com portal

सोरांनि बिगोमा (फोरोंगिरि साननि मुडै)

जिउ लामानि आन्दायनाय बुब्लियाव नों सोरां लामा दिन्थिगिरि, जिउ लामानि हान्थिनाय बुब्लियाव नों थांखिसिम सहैनायनि गोथार जांख्ला... जोंबाय थानाय मम बाथि जानानै गोमोरलाडैब्लाबो नों गुबुनखौ फोजोंलाडो.....
नोंनि गोथार गोर्बॉनि सोरां होनायजों सोराडो खोमसि मुलुग आरो सोलोंसालि खोमसि अखोरां.....
आखल गैजायै, गियान गैजायै सानस'नो रोडि गोर्बोंआव थोजासे गियाननि लामा नों दिन्थिनानै होयो, उसिफावो सोलोंसानि जिउआव थांखिसिम सहैनायनि सोरांनि लामा.....,

नों सोलोंसानि सोरां लामा दिन्थिग्रा,
नों गिने रोडि; गुवार गोसोनि
सहायगिरि, अनफावरि,
नों जोंनि, बयनिबो हान्थिनाय,
आन्दायनाय लामानि सोरां
होग्रा,
सोरांनि बिगोमा गेदेमा फोरोंगिरि।।

*आलेरा बर’
बर 'बाजार सोलोंसालिमा, बिजनी, चिरां*

आं सासे नेहाद सुबुं

आं सासे नेहाद सुबुं!
गैया आंहा बे जोनोमाव
रावबो! आंनिफ्राय गोरिबसिन सुबुं
जानो थाखाय खबसे ओंखाम
होवा आंनो रावबो खबसे ओंखाम।
आं सासे नेहाद सुबुं।
जानाय समाव खालाम जायो आं
आंगोनि जोनोम गिरि बिमा–
बिफाजों सैया–सैया
सोर मिथिनो दिनै आं खालाम जानायखौ
बेयो जाबाय आंनि खाफालनि लिरनाय।
आं सासे नेहाद सुबुं।
सहाय नाडो आं सामफ्रामबो दुखु
मादि माया गेलेना आनान गसाइनि
खालाम जाबाय आं सासे जुनात बायदि
दुखुखौ सहाय नांङखै आं बायदि
बे जोनोमाव रावबो सुबुंआ।
आं सासे नेहाद सुबुं!
दसेनि जानाय दसेनि अननाय
आंनि आर'ज इसोरनि बोरल
हाय! खाफाल मादि जालांगोन
सानसनो हाया बुंसनो हाया
मादि माया गेले होनाय इसोरनि
आं सासे नेहाद सुबुं।

मुप्ति पबित्र बसुमतारि

हावरिया खाफाल

आय जिउ नोंनि
बेसेबा दुखु–दाहा हांमा
बुंस’ हाया फोरमायस’ हाया
नोंनि जिउ दैथुनखौ।
हास्थायनाय दंमोन नोंहाबो
दिनैनि मुलुगुआव
आगान सुरलांनो
मिज्जिक दंमोन नोंहाबो
गंसे दिङ जावलांनायनि,
नाथाय गैया दिनै...
आगोनफ्रोम दुखुनि
फाखनाव गिदिंनाबाय
मिज्जिकखौ लानानै आलाइ–सिलाइ।
नागिर बायो नों गुबुननि साया
गैया नाथाय नोंजों लोगोयाव
मोनाखैसै नों सुखुनि देंखो
खुसिनि मेथाइ,
खालि नुबाय नों
गावजों गाव नासयनाय,
मुगैलायनाय गाबनाय
दुखु दाहानिल’ देंखो।

*जनन कुमार बसुमतारि
गामि: सा थाइगिरगुरी(खुंग्रिं)*

जोंनि जोनोम हादोर (Rhyme Poetry)

गोजा गुफुर गोमो बिबारफोरा बारफुदों हाजो हाजोमायाव खिलिखांदों, जोंनि अनफावरि जोनोम हादोरखौ जोंनि आखाइजों जों साजायगोन।
रिजि रिजि जोंनि आसिफोरा सोलोंगोन आरोंदायारि गोनोखो खोमसिआव मोब्बिब जोंखां होगोन।
जोंनि फिसा फिसा आथिंफोरा गावसोरनि लामायाव गावनो लामा लालांगोन, सान्जाहा जायख्लङ ओंखारदों गोबां गाबजों जयै साजायना।

सोहोरनि खाथिआव
गंसे गोजोन गामि दागोन,
दैमा दैसा बिलो डबा
हाजो हाजोमा फैलाव हायेनखौ
जोंनि आखाइजों जोंनो साजायगोन।

पबित्र व्रत दैमारी
गलाघाट

ग'लाब बिबार बायदि नोंनि महर

रोजा रोजा बारफुनाय ग'लाब बिबारनि गेजेराव नोंनि बेस्हां–बेस्हां मेग'नाव नुयो आं अन्नायनि निजोरा।
थाद' थाद' बोहैनाय दैसानि गुसु गुसु बाराव लासै लासै आगान आंनि। लाजिखांनाय मोनो नोंनि जारौ मोखाङव नायब्ला
गुफुर गुफुर नोंनि आखाय थारखायाव गोजा गोजा गाबनि जारौलि जेनथ'खाया बेसेदि समाय होदों।
नोंनि जारौ खावलाया जाहाबलांसिनदों गुसथि बिलाइया समायसिनदों।
नोंनि मेग'न ज'रानि लाजिहां मिनिहां नोजोरा आंखौ जाउलियासिन खालामसिनदों फंसे आंखौ रायदावगौबा...!
किरन बर' गोदान दिल्ली

नोंनि आंनि

फागुना जंखाय फैदों
नोंनि आंनि
जुलिन रादायखौनो
फोरमायथि फोरमायथि।
गामिनि आदै मादै
आबै–आबौ
बोराय–बेनथ', सेंग्रा–सिख्ला
उन्दै–उनला
बयबो हाथाय मानजिदों
नोंनि आंनि
जुलिन अनला खारै जानो।
लोगो बन्दुफोरा
मिनिस्तु मिनिस्तु जंखायसै
बाजै गोदाननि
महर–मुख्तिजों आंखौ रुजुना।
बारि खनानि
गामबारि बिफांनि दालायाव बनानै
दाव खुनथुलुवा
खुथुरु खुथुरु मेथाइ खनै खनै
सुखुवा–बुखुवा एदाव हरदों
नोंनि आंनि
जुलिन रादायखौ लाना।

शचिन्द्र बसुमतारि
बाक्सा

रंजालि गथ'फोरनि सौरा

दोनै लिमारिक

गिदिं–गिदा थांलाय–फैलाय सोर नों सिखोला फुं–बेलासि नुयो नोंखौ सहराव मेगन फिदिंब्ला बैसोया राग'नाय नोंनिया देरफुनाय नाथाय महरया लोरिफ्लाडो गोसो नोजोर जोंथ' सेंग्रा गाजोला।
थांलाय–फैलायजों बैसोआ बारग'लांबाय थर गैया गावखौनो बैसो गोरलै सानथारदों नालं सेंग्राया गोदान नुब्ला गोजामखौ बावयो मोननो हास्थायना नेनानै थायो मोन्नाय नङ आदा खांखाइ नों दंखायो बैनिया।
<i>गलाप खुंगुर बसुमतारि कक्राझार ।</i>

आहायेननि जोहोलाव

रिन्दाव–रिनसि नों सुनाय सिफुंनि रिंनायाव, बोदोर बावलि जाना नागिरबायो आं नोंनि थावनि। इसाननि, मोनाबिलि सिख्ला जाना नोंजों लोगो हमहैनो सिरि–सिरि नागिरबायो आं दैसानि हाब्रां...। हाबाब आदा...! दाउज्ला गेसेरजेन्नाय फुंबिलियाव दुम दुम, दाम दाम, आं माइ सौयोबोला, फाफ्लियाव नांगोल बान्ना दुब्लियाव थांनो नों ओंखारोब्ला आंखौ मिनिस्तुलांनाय सावगारिखौ आं बोरै बावनो हानो। दैज्लांनि दुब्लियाव नों हाल एवयोबोला ओंखाम थफ्ला लानानै आं थाडोब्ला मेगनजों नों गावनाय थिरखौ आं बोरै बावनो हानो। हाबाब आदा... नोंनि मद' द' आदै बेरस्त्रां बेरस्त्रां मेगन दाद मदद जांगिला गोसोयाव थैसाम खायो जुथेयै, आंखौ बोदोर खालामो नोंजों संसार जानो। आं सिमां नुयो आदा बैसागु बोथोराव नोंनि मुसुरनाय मोसानाय मेथाइनि देंखोफोरा बोदोर बावलि खालामसिनो आंनि गोरबो बिखा। हाबाब स'ना नोंखौ आडो जिउजों मोजां मोनो सिरि सिरि। थागौ सानो हायेनाव अराय नोंजों जरा–जुलि जाना।
<i>नब'थि नाजॉरि लतामारि, कक्राझार</i>

बर' हारि

बर' हारिया मुलुगाव थांनानै थायाब्ला
जागोन बर' हारिया आलाइ सिलाइ
बर' हारि गावनि थैखौ अननो रोङब्ला
हारिनि मोदैया जागोन लैथो– लैथोमा,,
बर' हारिया फरायनो रोङब्ला मावनो दांनो सोलोङब्ला,
हारिया जागोन मुलुगाव बिबाययारी।
बर' हारिया मालायनि हाथियार जानानै
दामाव मालाय हारिनि सायाव इनाय हाबा,
बर' हारिया दासान मालाय हारिखौ फोजोबनो
दासान मुलुगाव बाइखोन्दा नोर्शोन गालांनो।
बर' हारिया राजउलाफादखौल' सिनायोबा
जागौन बर' हारिया आलाइ–सिलाइ, गोदाव सोराव,
बर' हारिया रां रुपाखौल' सिनायोब्ला
जागोन बर' हारियाव थैन बाना।
बर' हारिया हारिखौ अरायबो फोथांनो नाजायाब्ला
हारिया बुहुमाव गोमोरलांगौन।
बर' हारिया खौसेथि जानो हायाब्ला
नोंनि आंनि थांखिया फेलें जागोन,
बर' हारिया खौसेथि जायोब्ला
हारिया अरायबो जौगाखांगोन।

मिस बिरबाना बसुमतारि
गामि– लाउरिफारा (थिनाली)।

आय मा मैया मैया

गुरलुब बाग्दावखाडो
थोर थोर गोर्जॉस्त्रिवो...
खाब्रां खासि होग्दावनाय खोमा आलौनाय
बायदि दिननि मोसानाय गिखंधाव
मेगननि खेमेरा खेबनाय...
गोर्बोंआव स्त्रि स्त्रि जायगा लानाय
आयु आयु मासि गिथाव बे संसारालाय...
थैबाबो दाय थांबाबो गिनाय गिनाय
दिनै गुसु गाबोन गुदुं
नै दानो मोजां दाहायनो गाज्रि
मा मैया मैया सोर्जि जाखो बि फुरिआलाय...
सानै सानै बावगारसै आं
लासै लासै थांना थानो बागारसै आं
सानै सानै गिखांसै आं
मारै थैगोन आयु आं
गारि मतरनि अफाखि
दाफुन आफा आंनो खाथि–खाथि
आय आय बिगुरबो दाजि आंनि
गारायबो दाजा आंनाव
मोदोम बेगें खन्थुमनांनाय आय
सिनाय मोनै गेब्लेनाय बै सोर... ?
दा खालाम आफा आंखौ सिनाय मोनै...
आं गोसोथोनाय नायथावै रानसावसाव
जुजाइ नै बे देहा सोलेरखौबो
नांगौ आंनो सिलिम सिलिम
थैबाबो थांबाबो नांगौ आंनो नांबाय थाथारगौ।

प्रेमालि बसुमतारि
(गहपुर), बिस्वनाथ

आय नोंनिल' सावगारि नुयो आं

नोंनिल' सावगारि नुयो आं
बे गुवार मोगथांखोर बुहुम बिखायाव,
नुयो आं सान मोखांआरि दाखा
जोमैयाव नोंनि रावफोरजों
एरखांनाय समायना मोर्खानि सावगारि।

एख'नब्ला हांमाजों बुंफबनाय
गोरबोफोरखौ बुरखायनो हाया जायो
आं नोंनि गोमालांनो नागिरनाय
खुगानि थं नागिरै नागिरै,

रावफोराबो दोबैलांयो समाव मेगन
गोसा बुब्लिफोरनि रिफिनायजों।
नोंनि सावगारि नुयो आं अरायबो
आंनि गोरबोनि रावजाबनि फारिलाइयाव।

खेबस' जानाय बिबारनि फाइलिफोरा
फोरमायनो हायाखै गावनि
मोनफ्रोमबो मोन्दांथिफोरखौ।
बै फाइलिफोरावबो नुनो मोनो
गोमोरलांनाय नोंनि सावगारि।

सोरां खेरकातारी
जेरेंपारा, बाक्सा

दोंब्रै लिमारिक

जोंहा आदानि फिसाजो लाइमोन
मानिला बिमा बिफानि बोसोन
गुसुं खसाब गाननानै
देलायस्त्रि देलायनानै
जानबुङव नायो गुबुले सावथुन

जों लागोनिलाय सेंग्रा माखासेफोर
गामियाव थानानै मानो बेखार
खुगायाव गाजामारा
खामानि मावरेंथारा
बिसोरनो गामिनि लेक्सार मास्टार

जों लागोनिलाय आदा मोलाव
जुलि जादोंमोन उन्दै बैसोआव
गैया बिहा जिउ राहा
जानांबाय दुखु दाहा
बोहैथि जिउनि संसार लैथोयाव

जोंहा आदानि बाजै नालेब
आलासि फैब्ला माखुब माखुब
माथो–साथो होनो
नागिरथारा मानो
थायो न'आव सिरि हाबना श्रोब

-रैदोम बर'
माजदिया,बगुलामारि, बाक्सा

म्यान्मारनि सा 65,000 रिफिउजिफोरा 2021 निफ्रायनो सा-सान्जा भारतआव आश्रय नागिरदों

इम्फल, 6 सेप्टेम्बर: म्यान्मारनि सा-सोनाब ओन्सोलनिफ्राय गासै 65,000 सुबुंफोरा भारतनि सा-सान्जा राइज्योफोर, जर'खायै मनिपुर आरो मिजरामआव रैखाथि नागिरसानै 2021 नि फेब्रुवारिआव इउएन हाइ कमिसनारनि थाखाय रिफिउजि (इउएनएइससिआर) बादियै राइज्योआव हाबफैखांबाय। सान्जा मनिपुरनि गिबि मन्थि एन बिरेन सिंहआ जिंगा सिनाय फोरमायनानै बुडोदि, जेब्ला आं बिनि सोमोन्दै सिगाडवनो सांग्रांथि होदोंमोन, बै समाव जोबोद खम सुबुंफोरा नोजोर होयो, जेराव आंनि हेफाजाबगिरिआबो दंफायोमोन। सुलुंनि बादिब्ला, 2021 निफ्राय 64,300 म्यान्मारनि नोगोरारिफोरा भारतआव हाबफैखां बाय। इउएनएइससिआरनि रिपर्टआ बुंदोंदि, दिल्लीआव एजेन्सिजों



लोगोसे 6,800 हाबफैनायखौ रैजिस्ट्रेसन खालामदों। म्यान्मारनि चीन आरो सांगि ओन्सोलफोराव 2024 नि मे दानआव तीप्र दावहाया बे हाबफैनायखौ बारायहोदों, जायजों बांसिन सुबुंफोरा मिजरामआव हाबदों। मनिपुरआव बिबानगिरिफोरा कामजं

जिल्लायाव गासै 360 नि मादाव 5,800 सिनायथिनाय आइन बरेखा गुबुन हादरयारिफोरनि बिसायख'थिनि खौरां होदों आरो इयुननि बिसायख'थिआव हेफाजाबनि थाखाय 5,100 निखुइ बांसिन सुबुंफोरनि बायमेट्रिक डाटा बुथुमो। मोन 5 सिमना

जिल्लाफोराव हाबफैखोमानायखौ सिनायथिनो थाखाय जर'खा टीमफोरथिसन्नाय जायो। बेनि गेजेरजों बिबानगिरिफोर आरो एजेन्सिफोरा ओन्सोलाव बांनाय रिफिउजि सुबुं अन्जिमानि रेहायनि गोनांथिफोर आरो जेनाफोरखौ सुखानो थाखाय नायबजिरनो दाबि दैखांदों।

गुबुन हादतयारि मन्थि एस जयशंकरआ इउएनजिए महासभाखौ सोमोन्दो लाखिगोन

गोदान दिल्ली, 6 सेप्टेम्बर: भारत आरो आमेरिकानि गेजेराव सोमोन्दो गात्रि जानाय खौरांफोरनि गेजेरजों मोनसे गिदिर खौरां नुजाथिदों। गाहाइ मन्थि नरेन्द्र मदिआ इउएनजिएनि जथुम्मायाव बाहागो लानो थाखाय आमेरिका थानांगोमोन। नाथाय आथिखालाव बियो बे जथुम्मायाव बाहागो लायाखै। बिथानि जायगायाव गुबुन हादतयारि मन्थि एस. जयशंकरआ बे जथुम्मायाव बाहागो लागोन। इउएनजिएनि जथुम्मानि सायाव सोदांनाय फारिलाइयाव बे खौराडा नुजाथियो। 9 सेप्टेम्बरनिफ्राय इउएनजिएनि 80 थि जथुम्माया जागायगोन।



बेराफार्से, 23-29 सेप्टेम्बरसिमाव इउएनजिएयाव गोजौ थाखोनि जथुम्माखौ नुनो मोनगोन। बे जथुम्माया ब्राजिलनि बिबुंथिजों जागायगोन, बेनि उनाव आमेरिकाआ इउएनजिए महासभाखौ सोमोन्दो लाखिगोन। बे समाव

आमेरिकानि हादतगिरि डनाल्ड ट्राम्पआ 23 सेप्टेम्बराव इउएनजिएआव बिबुंथि होनाय नुनो मोनगोन। बेराफार्से, गुबुन हादतयारि मन्थि एस. जयशंकरआ 27 सेप्टेम्बराव इउएनजिए महासभाखौ सोमोन्दो लाखिगोन। सुलुडव फोरमायनाय बायदिल्ला, बेनि

सिगां जुलाइ दानाव इउएनजिएनि सिबियारिफोरनि फारिलाइ फोसावदोंमोन, जेराव गाहाइ मन्थि मदिनि मुडाबो दंफायोमोन। गाहाइ मन्थि मदिआ फेगौ 26 सेप्टेम्बराव इउएनजिएखौ सोमोन्दो लाखिनां गोमोन। नाथाय आथिखालाव गोदान फारिलाइयाव गाहाइ मन्थि मदिनि जायगायाव गुबुन हादतयारि मन्थि एस. जयशंकरनि मुखदंफयो, जाय 27 सेप्टेम्बराव महासभायाव बिबुंथि होगोन। बेयो फाइनाल लिस्ट नडा। मानोना बे फारिलाइयाव उनावबो सोलायबावनो हागौ।

मेघालयआ वेइसडं फल्स आरो रियाट आर्लियां पार्कि ओन्सोलाव होबथानायखौ बोरवाखाय



शिलं, 6 सेप्टेम्बर: मेघालय सरकारआ शुक्रबारखालि वेइसडं फल्स आरो रियाट आर्लियां पार्कि ओन्सोलाव सुबुं आरो गारिफोर सौहैनायनि सायाव होबथानाय जाबसिन्ना होनायखौ बोखारना होबाय, जायखौ थानाय जुन

दानाव दै बाजुमनि पार्कि ओन्सोलनि खाथियाव गोथौ हाखराव इन्दौरनि फालांगिरि राजा रघुवन्शीनि गोथै सह' मोन्नायनि उनाव बन्द' खालामना होदोंमोन। बे थांखिखौ उफा लेडाइ

बिथोनगिरि एम.ए. चाल्लमनि गेजेरजों मावफु, उमब्लाइ, लेतदुह आरो लेतलंडपनि गागि गाहाइफोरजों सोगोसे सावरायनायनि उनाव लानाय जायो। बे बिथोननि गेजेरजों वेइसडं फल्सआव दावबायनाय

हाबाफारिखौ लेतदुह गामिनि गेजेरजों सामलायनाय जागोन आरो उमब्लाइ गामिनि गेजेरजों रियाट आर्लियां पार्कि ओन्सोला दावबायारिफोरनि गारिफोरनि थाखाय खुलायै थागोन। बिथोनाव बे बाश्राखौबो गोनांथि होनाय जादोंदि, आइनखौ आखायाव लानो नाजाग्रा जायखि जाया सुबुंनि हे'थायै गोखोडै आइनारि नायबिजिरनाय जागोन आरो गामि गाहाइफोरनो जायगाखौ सामलायनायनि हाबाफारिखौ गथायनाय जायो। मख'नो गोनांदि, थानाय 11 मेआव इन्दौरआव सनमजों जुलि जानाय राजा रघुवन्शीआ 22 मेआव हानिमुननि थाखाय सहरायाव सौहैदोंमोन।

अन्ध्र प्रदेशनि दरसे गामियाव रहस्य गोनां बेरामजों दासिमाव सा 20 सुबुंफोरनि जिउ ख'हा

हेदराबाद, 6 सेप्टेम्बर : अन्ध्र प्रदेशनि गिबि मन्थि एन चन्द्रबाबु नायडुआ शुक्रबारखालि गुन्दुर जिल्लानि सिडव थानाय मोनसे गामियाव सावस्त्रियारि इमार्जेन्सि फोसावदों आरो बेवहाय 2 दानाव गासै सा 20 सुबुंफोरा रहस्य गोनां बेरामजों जिउ गोमादों। सरकारआ बेवहाय नायबिजिरनायनि थाखाय गोजौ थाखोनि फाहामथाइ दोलोखौ दैथाइहरदों। सावस्त्रि बिबानगिरिफोरा मिबथि होयोदि सावस्त्रि सोलोंथाइनि सामलायगिरि ड॰ रघुन्दननि



दैदेन्नायाव मोनसे हान्जाया गोथौयै नायबिजिरनो थाखाय तुणकामालेम मुंनि गामियाव दावबाय हैदों। नायबिजिरनाय सोलिबाय थानाय समाव बिबानगिरिफोरा

मेलियइडसिस मुंनि मोनसे बेक्टेरियानि सन्देरनायखौ सन्देह' खालामदों। मेलियइडसिसआ मोनसे गिखंथाव बेक्टेरिया सन्देरना बेराम, जाय बर्कहल्टेरिया

स्युडमेलि मुंनि बेक्टेलियानि जाहोनाव जायो, जायखौ सरासन्नायै हा आरो जमा जानानै थानाय दैयाव मोन्नाय जायो, जर'खायै मौसुमि बोथोर आरो दै बानानि बोथोराव। बबेखानि बेखौ एन्टिबायटिक मुलिफोरनि गोलाव कर्सजोंसो फाहामनो हायो, नाथाय सम बायदियै बेरामखौ सिनायथिनाया जोबोद गोनांथार। गासै 2,500 थागिबि सुबुंफोरखौ सावस्त्रि नायबिजिरनो थाखाय बिथोन

गाहाइ मन्थि नरेन्द्र मदि आरो आं जेब्लाबो लोगो महरैनो थागोन: ट्राम्प

गोदान दिल्ली, 6 सेप्टेम्बर: आमेरिकानि हादरगिरिल डनाल्ड ट्राम्पआ भारत-आमेरिकानि सोमोन्दोखौ जोबोद जर'खा होन्ना फोरमायनानै बुडोदि, गाहाइ मन्थि नरेन्द्र मदिआ जेब्लाबो आंनि लोगोयैनो थागोन। बिथाडा फोथायथि होदोंदि, भारत आरो आमेरिकानि सोमोन्दोखौ लानानै रावबो जिंगा सिनांगौनि गोनांथि गैया। बबेखानि ट्राम्पआ बेखौबो बुंदोंदि, बिथाडा बे समाव गाहाइ मन्थि मदिनि माखासे खामानियाव आगान सुरनायफोरखौ मोजां मोनाखै। बेनि जाहोनावबो बिथाडा रोखा खालामदोंदि, दरसै हादरनि



सोमोन्दोआव जेबो बेले-बेजे गैया। जेब्ला बिथानाव सोंथि खालामदोंमोनदि, बिथाडा भारतजों लोगोसे सोमोन्दोखौ फिन गोखों खालामफिन्नो थाखाय थियारि नामा ? अब्ला बिथाडा बुडोदि, आं जेब्लाबो थियारि। मदिआ सासे गेदेर

गाहाइ मन्थि। बबेखानि बे समाव बिथाडा जायखौ खालामगासिनो दड आं बेखौ मोजां मोनाखै, नाथाय भारत-आमेरिकानि सोमोन्दोआ जोबोद जर'खा। बेयाव जिंगा सिनांगौनि जेबो बाश्रा गैया। ट्राम्पआ मिडियाजों बाश्रा

1 रवावसे रोजा माअबादीफोरनिफ्राय उदां खालामनो छतिसगडआव अपारेसन खालामगोन

रायपुर, 6 सेप्टेम्बर: अखा बोथोरआ जोबनाय लोगो-लोगो अक्टबर दाननिफ्राय माअबादीफोरनिफ्राय उदां खालामनो थाखाय हाबाफारिखौ गोखों खालामना होनाय जागोन। बेनि गाहाइ जाहोना बावैसो समाव मोन्नाय बस्तरआव 1,500 निखुइ बांसिन माअबादीफोरनि दासिमबो एक्टिभ जानायनि संगालि खौरां। आथिखालाव दावहानि गेजेरजों मरया आत्मसमर्पण कर अभियान सालायनाय जागोन। थानाय शुक्रबारखालि नवा रायपुरआव माअबादी गोहोम गोग्लैनाय राइज्योफोरनि जौसिन थाखोनि पुलिस बिबानगिरिफोरनि सोलोखाथियारि जथुमआव बेनि सायाव सावरायनाय खौराडा नुजाथिदों। सुलुंनि बादिब्ला, बे सत्ताहआव दिल्लीआव मोनसे जथुमआव सरकारआ दासिमआव



गोजौनै जिरायनानै थानाय नडा, जेब्लासिमआव गासैबो माअबादीफोरा गावसोरखौ गथाया, जायफोरा सोरन्दार खालामा बिसोरखौ हमनाय जागोन। संगालि सुलुंनि बादिब्ला, बे बाश्राया सोराडव नुजाथिदोंदि, माअबादी आफादआव गोदानै थिसन्नायफोरा जोबनानै थांबाय।

हाथियार लाग्रा माअबादीफोरखौ गुबै धारायाव लाबोनो थाखाय गामियारि थाखोआव जर'खा हाबाफारिबो खुंनाय जागोन। राइज्योआव खुंथाय सोलायनायनि उनाव 2023 नि डिसेम्बरनिफ्राय दासिमआव रैखाथि हान्जाआ सा 453 माअबादीफोरनि जिउ खोमाबाय। गोदान रायपुरआव खुंनाय सोलोंखाथियारि

जथुम्मायाव सिआरपिएफ, बिएसएफ आरो आईटिबिपनि गागि बिबानगिरिफोरजों लोगोसे छतिसगड, मध्य प्रदेश, उरिया आरो तेलंगानानि जौसिन थाखोनि पुलिस बिबानगिरिफोरा बाहागो लायो। बे जथुम्मायाव बे राइज्योफोरनि सिमना ओन्सोलफोराव राहाखौ गोखों खालामनोबो थांखि लादों।

शुक्रबार हरनि 10:55 रिगायाव आफगानिस्तानआव 5.0 गोख्रोंथिनि बांग्रि मावदों

जलालाबाद, 6 सेप्टेम्बर : आफगानिस्तानआव शुक्रबार मोनानि 10:55 रिगायाव 5.0 गोख्रेंथिनि बांग्रि फैदों। अदेबानि जामान रिसाच' सेन्टार फर जियसाइन्सेज (जिएफजेड) आ बुडोदि, सान्जा आफगानिस्तानआव 12 घन्टानि गेजेराव खन्नै गोख्रों बांग्रि मावनायखौ मोन्दांथिदों। आफगानिस्तानआव थानाय सानब्रँआव बांग्रिजों गासै 2,200 सुबुंफोरनि जिउ ख'हा जाबाय। बांग्रिजों गोहोम गोग्लैनाय ओन्सोलफोराव थानानै थानाय सुबुंफोरा माखासे सुबिधाफोरनि थाखाय जुजिलायगासिनो दं। अदेबानि जुथाइ हादत आरो गुबुन एजेन्सिफोरा रां, जाग्रा आदार, फाहामथाइ आरो आश्रयनि गोनांथिनि थाखाय सांग्रांथि



होगासिनो दं। बबेखानि मुलुगनां देहा आफादआ 40 लाख डलार दाबि खालामदों। बे गोदानै फैनाय बांग्रिया खन्नै बांग्रि मावखानायनि उनाव खुंथाया

फैदों। जाय दावहा, गोरिब आरो हेफाजाबनि आंखालजों जुजिबाय थानाय खोला एशिया हादतखौ सिलिखार खालामदों। तालिबान खुंथाया

दावदै रुनाया देहानि थाखाय मुलाम्फा गोनां

सानखौ जागाय जेन्नायाव हेल्थि ब्रेकफास्ट जानांगौ। जायजों सानसे थारला देहाया एनार्जि मोनो। दावदैआव प्रटिन, आयरन, भिटामिन ए, बि, 6, बि 17, प्लेट एमिन एसिड, फसफराय आरो सेलेनियाम एसेन्सियेल अनसेसुरेटेड फेटी एसिडखौ मोनो हायो, जायखौ गहाम देहानि थाखाय गोनांथार मानिनानै लानाय जायो। दावदैआव जायखि जाया रोखोमनि फेटि सेक्स थाया। यगा एबा जिम खालामनाय समाव प्रटिन डाइटनि गेजेरजों एनार्जि लेबेलआ थिकयै थायो। बेनि थाखाय दावदैनि गोमो बाहागोखौ जानांगौ। (1) दावदै रुनाया मेगननि थाखायबो मुलाम्फा गोनां। मानोना बेवहाय ग्लुटन मुंनि तत्वखौ मोन्नाय जायो। बेनि अनगायै स्कीमनि थाखायबो बेयो मोजां। माखासे आन्जाद



नायनायाव मोनथिनो मोन्दोंदि हौवाफोरनि स्पार्मनि क्वालिटीखौ सुप्रानो थाखायबो दावदैया मुलाम्फा गोनां जायो। (2) मोनसे आन्जाद नायनायआव मोनथिनो मोन्नाय जादोंदि, दावदैआव फसफराइड आरो अमेगा 3 एशिडखौबो मोन्नाय जायो। बे मोनै तत्वआ देहायाव खहा गोनां कलेस्ट्रलखौ बेलेन्स लाखियो। नाथाय दावदैखौ थावआव आमलेट बानायनानै जाब्ला बेयो देहाआव कलेस्ट्रलखौ बांहोनो हागौ। बेनि जाहोनावनो दावदैखौ रुनानै जाब्ला साबसिन जायो। (3)

देहाआव एनार्जेटिकखौ लाखिलानो थाखाय प्रटिनआ गोनांथार। बेनि थाखायनो दावदैखौ जानांगौ। बेनि थाखायनो ब्रेकफास्ट जानाय समाव रुनाय बे दैसे दावदैखौ जानांगौ। (4) दावदैआव क्लाइन मुंनि एन्जाइमखौ मोन्नाय जायो। सुबुंनि देहायाव क्लाइनआ खमि जाब्ला गोसोखानो हानाय गोहोआ जेनायाव गोग्लैनो हागौ। जुदि सानफ्रामबो दैसे रुनाय दावदै जाब्ला देहायाव क्लाइनआ खमी जानाय नडा आरो खर' मेलेमआबो गहामै थागोन।

माहाम देहानि राहा

खोदोम बिफाड बिपि-सुगार आरो देहानि लिरथायखौ बाडइ खालामनायाव मदत होयो

आथिखालनि लाइफस्टाइल आरो जाग्रा आदार जानायनि हुदाफोरा सोलायनायनि जाहोनाव सुबुंफोरा बायदि रोखोमनि बेरामफोरनि मैहुर जानांदों। मख'नो गोनांदि, आथिखालाव फास्ट फुडआ सुबुंफोरखौ गोखैयै बेरामाव खोख्लैदों। बेनि जाहोनाव सुबुंफोरनि गेजेराव गोबां रोखोमनि जेनाफोरा जादों। सरासन्खा महरै सुबुंफोरनि गेजेराव सुगार, ब्लाड प्रेशार आरो डायबिटिजनि जेनाखौ बांसिन नुनो मोन्दों। बेयो ओरैबायदि बेराम जाय सोरनाबाफोर खनसे जायोब्लानो बेयो जोबखालानायनि मुं लाया। माखासे सुबुंफोरा बेनिफ्राय रैखाथि मोन्नो थाखाय लाख लाख रांखौ मुलि बायनायाव खरसा खालामो। नाथाय श्वेबो आराम मोना। हेल्थ एक्सपार्टफोरनि बायदिब्ला,



खोदोम बिफाड नोंथांखौ बे जेनानिफ्राय रैखाथि होनायाव मदत होयो। माखासे गुनफोरजों बुंफबनाय खोदोम बिफाड नोंथानि माखासे बेरामफोराव गोबां मुलाम्फा गोनां फोरमान जायो। हेल्थ एक्सपार्टफोरनि बायदिब्ला खोदोमखौ गोदो गोदायनिफ्रायनो नख'रारि राहाफोराव बाहायनाय जायो। मख'नो गोनांदि, बे बिफानि बिलाइफोरा डायबिटिजनि बेरामिफोरनि थाखाय गोबां मुलाम्फा गोनां जायो। बेयो जर'खा महरै टाइप-2 डायबिटिजनि हेंथायै गोहोम गोनां जायो। बेखौ जानायजों

देहायाव इन्सुलिननि प्रडाक्सनआ कन्ट्रलआव थायो, जायजों ब्लाड सुगारनि लेभेलआ समानै जायो। खोदोमनि बिलाइआ गारायफोरखौ हामहोनायनि हाबाफारि मावो। लोमजानायनि हेंथायै खोदोमआ गोहोम गोनां जायो। बनि बिगुरजों बानायना काराखौ लोडोब्ला लोमजानाया जानगार जायो। एक्सपार्टफोरनि बायदिब्ला, खोदोमआव बेक्टिरियेल मोन्नाय जायो। (बेखौ बाहायनायनि सिगां डाक्टरनियाव सुबुरुन लानाया गाहाम।) □

दिलिप कुमारनि 'आन' सावथुनआव फावरखुंगुर मुकरिया गिबि सिनायथि मोन्नो हादोंमोन



अमिताभ बच्चननि सराबि सावथुनाव नुजाथिनाय मिस्टर नन्थजिलालखौ बयबो गोसोआव दडजानांगौ। जायनि दारिया जोबोद मुंदांखा जादोंमोनदि, सुबुंफोर गावसिनि दारिखौ फुस्लिमनानै बुडेमोन-दारिया थायोब्ला नन्थुलालजोनि फावरखौ हिन्दी सावथुननि मुंदांखा फावरखुंगुर मुकरिआ

दिन्धिदोंमोन। मुकरिआ हिन्दी सावथुनाव गावनि कमिक फाननि थाखाय मिबथि जायोमोन। 6 फिट 2 इन्च गोजो अमिताभ बच्चननि खावलायाव खुदुमनायानो जा, टेलार मास्टर जानानै नायगिरिफोरखौ मिनि होनायानो जा, मुकरिनि मोनफ्रोम फावआ जेब्लाइबो गोसोआव थाथाव जादों। शारबि सावथुनाव

मुकरिनि दारिया ओरैबायदि मुंदांखा जादोंदि, बनि क्रेजआ दासिमबो बाडइ जायाखै। बनि डायलग बुंनाया दासिमबो सुबुंफोरनि खुगायाव दड। बयबो दिलिप कुमार आरो अमिताभ बच्चननि सावथुनफोरव मुकरिखौ माखासे गोसोआव थाथाव बिफाव होनाय नुदों जानांगौ नाथाय मिबथिगोना

पलक तिवारीनो थोरसि-लथा सुनायनि थाखाय फावरखुंग्रि बिमा श्वेता तिवारीआ से रोजा रां होयोमोन

गथ'फोरखौ फेदेरनाय-फोलावनायजों लोगोसे बिसोरखौ जानाय-जायै मोजां-गाग्रि आरो मुवा बेसादफोरनि गोहोमनि सोमोन्दैबो बुजायनाया बिमा-बिफानि गिदिर बिबान जायो। 2007 माइथायाव गावनि गिबि फिसा राजा चौधुरीजों गावसालायनायनि उनाव फावरखुंग्रि श्वेता तिवारीआ हारसिडैनो गावनि फिसाजो आरो फावरखुंग्रि पलक तिवारीखौ फेदेरदों फोसावदों। पलकखौ मोजां सोलेंथाइ मोन्नायनि थाखाय श्वेताआ माखासे नेमफोर बानायनानै दोन्दोंमोन। बिथाडा मिबथि होदोंदि, आं सासे गोर बिमा नडा, नाथाय आंहा माखासे नेमफोर दंमोन। जेरै जुदि बायजोआव थाडोब्ला थि समावनो न'आव फैफिन्नांगौ। जाय पार्टीआव थानो नागिरदों बेवहाय थाफानाय, बेवहाय



नोंजों थाफानो नायगिरनाय गासिबो लोगोफोर आरो बिसोरनि बिमाफोरनि नाम्बारखौ नांगौ जानाय बिब्दि नडामोन। पलकआ जेब्ला कलेजआव आगान होजेन्दोंमोन अब्लासो बियो गावनि गिबि फनखौ मोन्दोंमोन। 16 बोसोर जानायनि उनावसो बियो गावनि मेकआप बक्सखौ मोन्दों। आं बनि खरस खालामनायनि सिमाखौ थि

खालामनानै दोनोमोन। जेसेबां पकेट मानि मोन्दों बेखिनखौल' खरस खालामनांगौ। जुदि बांसिन रां नांगोब्ला बियो आंनि थिन्नाय न'नि खामानिखौ मावनांगोन। बबेखानि न'नि खामानिफोरनि थाखाय आं मोनसे लिस्ट बानायनानै दोन्दोंमोनदि, बाथरुम साफा खालामोब्ला से रोजा, बेड साफा खालामोब्ला 500, थोरसि लटा सुयोब्ला से

'कुछ ना कहो' सावथुनाव सलमान खाननि फंबायआ एश्वर्यानि फिसाइनि फाव होदोंमोन

सलमान खान आरो एश्वर्या रायनि लाभ-स्टरिखौ बिथांमोननि अन्साइगिरिफोरा मोजाडैनो मिबथिगौ। बबेखानि बेज'गया खौसे जानो हायासै, नाथाय बिसोरनि मोजां मोनलायनायखौ सावरायनाया दासिमबो बि-टाउनाव खम जायाखै। एश्वर्या आरो सलमानआ मोनसे सावथुनावल' 'हम दिल दे चुके सनम' सावथुनाव जयै गाहाइ ज'रा हिसाबै खामानि मावदोंमोन आरो बेनि उनाव बे बारग'ज'रखौ माब्लाबाबो जयै खामानि मावनाय नुनो मोनाखै। उनाव एश्वर्या रायआ अमिताभ बच्चननि फिसाज्ला अभिषेक बच्चनजों जुलि जायो। सलमानखौ अभिषेक-एश्वर्यानि मोनसे सावथुनाव ट्राक ड्राइभरनि फावआव नुनो मोन्नाय जादोंमोन आरो 2003 आव रिलिज जानाय बे सावथुनाव सलमान खाननि फंबाय आरबाज खानआ एश्वर्या रायनि फिसाइनि बिफाव होदोंमोन। बे सावथुननि



सल'आव अभिषेक बच्चनआ राज एश्वर्याआ नम्रता श्रीभास्वभ आरो आरबाज खानआ सन्जिव श्रीभास्वभनि फाव बिग बस 19 नि उइकेन्डआव दोहो सोमजिहोनी थाखाय फैगासिनो दड गिबि वाइल्ड कार्ड कन्टेस्टेन्ट बिग बस 19 नि मेकासफोरा गावसिनि जेना गोनां स्व'जों नायगिरिफोरखौ इंगेस खालामना दोन्नायनि खाबुखौ नागाराखै। जेराव गिबि सप्ताहयावनो फरहानाखौ न'निफ्राय एरन्नानै सिक्रेट रुमआव थिनहरदोंमोन आरो आथिखालाव बिथांनि फैफिन्नाय लोगो लोगोनो न'नि गासै थासारिया सोलायदों। सिगांनिफ्राय गावजों गाव खुद्रिलायग्रा न'नि सुबुंफोरनि गेजेराव बे समाव बिग बसआ सासे ओरैबादि कन्टेस्टेन्टखौ लाबोनो थाखाय थियारि जादों, गिबि वाइल्ड कार्ड एन्टि

खालामदोंमोन। राजआ गावनि बिब्थै सतिआ शाइनि फिसाज्लानि जुलियाव आमेरिकानिफ्राय फैयो आरो दिन्थियो, नाथाय राजआ बिग बस 19 नि मेकासफोरा गावसिनि जेना गोनां स्व'जों नायगिरिफोरखौ इंगेस खालामना दोन्नायनि खाबुखौ नागाराखै। जेराव गिबि सप्ताहयावनो फरहानाखौ न'निफ्राय एरन्नानै सिक्रेट रुमआव थिनहरदोंमोन आरो आथिखालाव बिथांनि फैफिन्नाय लोगो लोगोनो न'नि गासै थासारिया सोलायदों। सिगांनिफ्राय गावजों गाव खुद्रिलायग्रा न'नि सुबुंफोरनि गेजेराव बे समाव बिग बसआ सासे ओरैबादि कन्टेस्टेन्टखौ लाबोनो थाखाय थियारि जादों, गिबि वाइल्ड कार्ड एन्टि


जुलियाव नम्रताखौ मोसानाय नुयो आरो बेहा सासे फिसाज्लाबो दं आरो सन्जिव (आरबाज) आ बनि फिसाइ, नाथाय सन्जिवआ बिसि नम्रताखौ प्रेगनेन्ट खालामनानै गुबुन आईजोनि थाखाय नागरनानै थाडे। गासै सल'खौ मिबथिखानायनि उनाव राजआ नम्रताखौ गावनि बिमाजों लोगो हमलाय होनो थांखि लायो। बे सावथुनखौ रहन सिप्पिआ बिथोन होदोंमोन आरो बे रमेश सिप्पिआ बानायदोंमोन। बे सावथुना 5 सेप्टेम्बर 2003 आव रिलिज जादों आरो सावथुननि मुख 'कुछ ना कहो'। □

जाय अडियन्सनि गेजेराव सिगांनिफ्रायनो जोबोद मुंदांखा। जाय मिनिनो थाखाय कमिडि खालामनांगोनि गोनांथि गैया, बिथाडा बुडे आरो नायगिरिफोर मिनियो। बे खेबाव उइकेन्ड वारआव बिग बस 19 आव गिबि वाइल्ड कार्ड एन्टि

जागोन। बिग बस 19 नि न'आव बे खेबाव हौवाफोरनिखूइ बांसिन हिन्जावफोरनि गेजेराव वार खालामनायखौ नुनो मोनगोन। जेराव नेहलनिफ्राय लानानै फराहानानिसिम तान्या मित्तलनि फारसे नांथाबना दं, गुबुन

जागोन। बिग बस 19 नि न'आव बे खेबाव हौवाफोरनिखूइ बांसिन हिन्जावफोरनि गेजेराव वार खालामनायखौ नुनो मोनगोन। जेराव नेहलनिफ्राय लानानै फराहानानिसिम तान्या मित्तलनि फारसे नांथाबना दं, गुबुन

मुंदांखा फावरखुंगुर अक्षय कुमारनि क-स्टार आशिष वारंआ 55 बोसोर बैसोआव जिउ गोमाबाय



रहित शेट्टि सुर्याभन्शि सावथुनाव (2021) अक्षय कुमारजों लोगोसे नुजाथिनाय फावरखुंगुर आशिष वारंआ 55 बोसोर बैसोआव जिउ गोमाबाय। थैनायनि गुबै जाहोना दासिमबो सोराहाव फैयाखै। सुलुनि बायदिब्ला, आशिष वारंआ माखासे समनिफ्राय देहायारि जेनायाव गोरलैना

दडमोन। बिथाडा डिसेम्बरआव जन्डिस बेरामनिफ्राय मोजाडव फैबायमोन। नाथाय रिपर्टआव बुंनाय जादोंदि, बिथाडा हरखाबै बेराम जानायनि जाहोनाव बिथाडा जिउ गोमानो गोनां जादों। बिथाडा एन्टारटेनमेन्ट मुलुगाव मोनसे लांदां जायगा खालामलांबाय। बिथांनि जिउ गोमानायाव अन्सायगिरि आरो

नख'रआ गोथौ दुखु मोन्नाय फोरमायदों। बिथांनि जिउ गोमानायनि दान्दिसे उनाव अन्सायगिरिफोर आरो मुंदांखा महरगिरिफोरा बिथांखौ मान बाडहरनो जागायदों। सावथुन बानायगिरि अरिन पलआ बिथांनि जिउ गोमानाय खौरंखौ होदों। बिथाडा एक्सआव लिरोदि, दिनै फावरखुंगुर आशिष

हलिउडनि सावथुन 'दा कन्जयुरि लास्ट राइट्स' सावथुनआ बयजौबो अन्साय जाबाय

मोन्थाम हिट सावथुनफोरजों लोगोसे भेरा फर्मिगा आरो पेट्रिक विल्सनआ फिन वारेन कापल जानानै भुतफोरखौ गावसिनि आखाय कन्ट्रलआव लानो थाखाय गिदिर पर्दाआव फैफिनबाय। मस्ट हरर फ्रेन्चाइजिआव मुंदांखा जानाय कन्जयुरिनि ब्रैथि खोन्दो 'दा कन्जयुरि लास्ट राइट्स'आ गमामायैनो सिनेमा हलफोराव रिलिज जाबाय। 5 सेप्टेम्बर 2025 आव 'दा कन्जयुरि' सावथुननि ब्रैथि खोन्दोआ मुलुगनाडैनो सिनेमा हलफोराव रिलिज जादों। भारतआवबो सावथुननि क्रेजआ जोबोद गोखोंमोनदि, गिबियावनो सावथुननि बुकिंआ जागायदोंमोन। बबेखानि दा गिबि साननि कालेक्सनखौ



मिबथियोब्ला बयबो गोमोहाबगोन, मानोनो बे सावथुन भारतीय सावथुनफोरखौबो रां आरजिनाय बिथिंआव उन खालामदों। 'दा कन्जयुरि' सावथुना भारतआव हिन्दि सावथुनफोर टाइगर श्रफनि 'बागी 4' आरो दा बेंगल फाइल्सजों लोगोसे

बादाय लायदों। रवबो आसा खालामाखैमोनदि, 'दा कन्जयुरि 4' आ 'बागी 4' सावथुनखौ उन खालामगोन। रिपर्टनि बायदिब्ला हरर थ्रिलर दा कन्जयुरि लास्ट राइट्सआ भारतीय बक्स अफिसआव गिबि सानाव 18 कौटि रांजों जागाय जेन्दोंमोन। नन

उइकेन्डआव सावथुननि कालेक्सना जोबोद मोजांमोन, बेनिखायनो आसा खालामोदि, शनिबार आरो रबिबारआवबो रां आरजिनाया जोबोद मोजां जानो हागौ। दा नायनो गोनां बाथ्राया बेनोदि, उइकेन्डआव सोर देरहागोन। □

